



Broj: 12-23-13722-3/18
Zenica, 08.11.2018. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12-23-13722-2/18 od 31.10.2018. godine, u otvorenom postupku javne nabavke broj: 677-1-1-7-3-1/18 od 11.09.2018. godine, ministar Ministarstva za prostorno uređenje, promet i komunikacije i zaštitu okoline, Zeničko-dobojskog kantona donosi:

ODLUKU

o izboru najpovoljnijeg ponuđača

I

U otvorenom postupku javne nabavke opreme za tretman infektivnog otpada u zdravstvenim ustanovama na području Zeničko-dobojskog kantona, ponuda ponuđača ANALITIKA d.o.o. Sarajevo (broj: TEN-062-G od 11.10.2018. godine) sa ukupno ponudenom cijenom od 683.740,00 KM bez PDV-a, izabrana je kao najpovoljnija.

II

Ponuđač ANALITIKA d.o.o. Sarajevo (ID broj: 4200561260005), adresa Ferde Hauptmana 7, Sarajevo, dužan je dostaviti dokumente iz člana 45. stav (2) tačka od a) do d) i člana 47. Zakona o javnim nabavkama BiH („Službeni glasnik BiH“ broj 39/14) navedene u tački 3.1. i tački 3.3 tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda ponuđača NEWSTER SYSTEM s.r.l. Italia se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedeno sa zapisnikom o ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-23-13722/18 od 07.09.2018. godine. Javna nabavka provedena je po otvorenom postupku javne nabavke za robe u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 677-1-1-7-3-1/18 objavljeno je na Portalu javnih nabavki 11.09.2018. godine.

Komisija za javne nabavke imenovana rješenjem broj: 12-23-13722-R/18 od 05.10.2018. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristigle su ukupno 2 (dvije) ponude.

U postupku pregleda i ocjene pristiglih ponuda, Komisija je konstatovala da:

- Za dokazivanje sposobnosti obavljanja profesionalne djelatnosti tačkom 3.2. stav 2 tačka b) tenderske dokumentacije za ponuđače čije je sjedište izvan BiH propisano je da ponuđači dostave odgovarajući dokument koji odgovara zahtjevu iz člana 46. ZJN, a koji je izdat od nadležnog tijela prema važećim propisima zemlje sjedišta ponuđača/zemlje u kojoj je registriran ponuđač i to u originalu ili ovjerenoj kopiji i da ne može biti starije od tri mjeseca računajući od momenta predaje ponude. Ponuđač NEWSTER SYSTEM s.r.l. u ponudi, koju je predao 26.10.2018.godine, dostavio je kao dokaz registar društva, službena arhiva Privredne komore (dokument broj T278800353) Izvod iz registra društva na dan 15.05.2018.godine, iz čega se jasno vidi da traženi dokument nije dostavljen na način propisan naprijed navedenom tačkom tenderske dokumentacije, odnosno dostavljeni dokaz je stariji od tri mjeseca. Istom tačkom tenderske dokumentacije propisano je da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) na način kako je propisano, da će ponuđač biti isključen iz daljeg učešća zbog neispunjavanja navedenog uslova za kvalifikaciju.

Tačkom 3.3. tenderske dokumentacije, za dokazivanje ekonomske i finansijske sposobnosti iz člana 47. ZJNBiH, propisano je da ponuđač mora dokazati da ima minimalno jedan aktivni bankovni račun otvoren kod komercijalnih banaka preko kojih obavlja platni promet. Kao dokaz traženo je da se dostavi u obična kopija dokumenta, koja ne može biti starija od 30 dana od dana predaje ponude. U vezi sa navedenim, ponuđač NEWSTER SYSTEM s.r.l. u ponudi koju je predao 26.10.2018.godine, kao dokaz dostavio je dokument UniCredit SPA od 17.08.2018.godine, kojim se potvrđuje da je klijent banke. Navedeni dokument je stariji od 30 dana, a što je u suprotnosti sa uslovom iz naprijed citirane tačke tenderske dokumentacije.

Kod istog ponuđača, u ponudi je dostavljen samo parafiran Nacrt Ugovora, ali ne i potpisan, a što je u suprotnosti sa tačkom 5.3. tenderske dokumentacije, kojom je propisano da su ponuđači dužni dostaviti nacrt ugovora potpisan od strane ovlaštene osobe, te je potrebno i parafirati sve listove nacrtu ugovora.

Tačkom 3.4. stav 2 tačka c) za dokazivanje tehničke i profesionalne sposobnosti, propisano je da je ponuđač dužan dostaviti prospekte, kataloge, nacрте, tehnički opis i drugu tehničku dokumentaciju proizvođača sa ovjerenim prevodom od strane sudskog tumača na jedan od službenih jezika u BiH iz kojih su jasno vidljive sve tražene karakteristike ponuđene opreme. Predmetni ponuđač u prilogu ponude dostavio je tri odvojene brošure (NW50, NW 15 i NW 5) na jednom od službenih jezika u BiH, ali koje nisu ovjerene od strane sudskog tumača, nego su ovjerene samo pečatom ponuđača. Također, sve tri brošure nisu čvrsto uvezane, zbog čega je omogućeno naknadno vađenje i umetanje listova, a što nije u skladu sa tačkom 4.1.4. i 4.1.5. tenderske dokumentacije.

U Aneksu VI Opšte tehničke specifikacije u tabelama Zahtjevano minimalne karakteristike uređaja za tretman infektivnog otpada u tački 13. navedene su mješavine vrsta otpada koje sistem mora biti u mogućnosti da tretira i to između ostalog oštre predmete (igle, lancete, skalpele). U dostavljenoj ponudi ponuđač NEWSTER SYSTEM s.r.l. Italija u tabelama Zahtjevano minimalne karakteristike uređaja za tretman infektivnog otpada (na stranama ponude 90, 94, 95, 98 i 99) nije naveo da ponuđeni uređaj može tretirati i naprijed citirane oštre predmete (igle, lancete i skalpele), zbog čega ponuda neodgovara u pogledu traženih tehničkih specifikacija, jer nije jasno vidljivo da uređaj u cijelosti zadovoljava tražene tehničke karakteristike. U skladu sa tačkom 3.4. TD smatra da ponuda nezadovoljava propisane uslove.

Zbog svega naprijed navedenog ponuda ponuđača NEWSTER SYSTEM s.r.l. u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se, jer nije potpuna i ne ispunjava zahtjeve iz tenderske dokumentacije.

Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila da ponuda ponuđača ANALITIKA d.o.o. Sarajevo ispunjava sve postavljene uslove.

Shodno odredbama člana 3. stav (3) Pravilnika o uslovima i načinu korištenja e-Aukcije („Službeni list BiH“ 66/16) procedura e-Aukcije nije zakazana iz razloga jer je samo jedna od dostavljenih ponuda prihvatljiva, te zbog čega će postupak biti okončan na način propisan članom 69. Zakona o javnim nabavkama BiH.

U skladu sa tačkom 4.7. tenderske dokumentacije, a na osnovu kriterija najniža cijena tehnički zadovoljavajuće ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a
1.	ANALITIKA d.o.o. Sarajevo	683.740,00

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača ANALITIKA d.o.o. Sarajevo Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor za nabavku opreme za tretman infektivnog otpada u zdravstvenim ustanovama na području Zeničko-dobojskog kantona.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Ponuđačima,

1 x a/a

